

白山集

初編

三

番外書冊

			二六三四六	和書門
七	三	四	六	類
冊	架	函	號	

庫文閣内			
二六四		二六三四六	和書
八	七	六	類
架	冊	號	

内閣文庫			
番號	和	26346	
冊數	7	(3)	
函號	206	147	



Kodak Gray Scale
 A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak



白山集初編卷之四

淺草文庫

安藝 平賀周臧子英 著

男 玄臧太玄 輯

浪華 三木 有道哉 校

七言律

惠美翁七十壽詞

築館高懸南極星攀來杏樹鬱冥冥家聲一代開新
業世美千秋傳古經正足青囊稱國手兼知紫府煉
神形養生同是修真術容易人間誰得聽

奉寄庖兮滕公子
公子致仕後
隱居青山

扈從先朝入建章親軍隊伍羽林即進來曾試新
羈馬脫下猶餘舊賜裳白日晴霄容跡遠青山流水
與心長悲歌肝膽縱相許不向當年結客場

酬加子慶

老去江湖賦首丘誰憐夙志竟難酬黃金臺古徒圖
駿白石歌成空飯牛世路多緣皮相失功名豈向面
交求為言夜夜風蘿下溪月汀煙落釣舟

秋晚書懷

蓬蒿寧為使車開日涉移筇步石苔雙髻霜寒三世
遇孤燈雨靜九秋哀功名青紫終何事書劍風塵亦

已哉老去寸心將折盡可堪遙夜不然灰

本藩政典多復舊制諸有司有務焉為志

喜

多材濟濟鬱如林舊制司存古作今當路人皆懷楚
寶貯賢主豈置燕金草枯秋氣知霜擊花重春風
覺露深偏喜明時文教化亂臣相得本同心

題玉卮彈琴圖壽滕子穆大孺人六十

神女紅顏玉作姿獨絃琴曲鼓來遲氤氳瑞氣風披
處縹緲餘音雲散時朝奉碧桃趨閨苑夕歌黃竹下
瑤池仙容彷彿還誰在非是丹青不可窺

新鶯

雙柑斗酒意何如，正是遷喬出谷初。
柳際雪消聲尚澁，花邊風淺調難舒。
紅樓日上晨妝後，翠幌月殘春夢餘。
啼向宮門深處去，嚶嚶偏似促鑿輿。

月夜宿江島僧院

洞口雲晴孤島頭，良宵投宿倚香樓。
諸天月傍龍宮動，千仞珠當鮫室浮。
幽梵爾時心地靜，妙音何處帝妃遊。
更闌坐訝傳清怨，波響夜驕湘水秋。

春後宇平一設具，邀諸子於水樓時賴千。

秋將歸浪華

連雨新晴初夏時，披襟簾外夕陽遲。
行厨携具多魚味，同社尋盟問後期。
市井煙沈迎海嶽，蒼軒溜滴淨漣漪。
登樓獨有將歸客，臨水慙慙說別離。

寄題井義尚釣閑亭

孤亭深占隱倫名，屏跡從容意自平。
月照竹窗看有影，雪埋松徑聽無聲。
擁來爐底烟斜細，彈罷壁間琴或橫。
幽趣何妨茶與酒，釣詩兼得釣閑情。

登彌谷寺遇雨

回磴斲溪山，幾重躋攀躡屐。
訪遺蹤，苔封嶂壁，餘鐫佛波靜。
潭淵穩制龍持戒，築壇開窟室。
懸泉觸石灑

杉松法雲深鎖諸天色五劍却為慈雨從

送雲藩冢子順從其戾登日光山

車騎朝臨馳道傍追隨羨爾促行裝功基駿走周清

廟祖業龍興漢上皇逐鹿時平原草綠放牛春暖野

桃香威神如在山頭望仰見扶桑海日光

聞泉南木公彝太翁柯亭八十初度諸子

稱觴於墨江賦贈

聞說真人南極邊蒼顏不老此延年波光忽現蓬壺

外霞彩高擎華表前渚訝盤餐沙作玉境知家釀酒

如泉宴闌曉色松間望月影應當海島懸

海邊早秋

烟沈房總白雲長海氣偏能引早涼無數賈帆乘颺

霽幾家漁網曝秋陽洲蘆風度猶疑雨江樹露生如

待霜時向天南頻目送孤鴻聲斷入蒼茫

冬颺集緣山天淑上人房

緣山風色晝陰陰盟社歲寒堪可尋列院斜通幽徑

曲諸陵高擁白雲深六時頻滴蓮莖漏萬籟兼傳鐘

磬音倘值匡廬許春飲好追餘興醉東林

墨水春望

墨沱烟散二州間行樂誰知此地閑城堞遙翔彩鳳

闕樓臺近現金龍山草生暮雨王孫淚花駐春風公
子顏似寫當年離別恨長流如咽自潺湲

永代橋朝望

百尺橋頭望渺哉雨餘風色曙光催漁家燈逐灘星
斷賈舶帆乘海霽來宴散歌鐘誰第宅煙籠市井幾
樓臺扶桑朝照千炷日仰見芙蓉嶽雪開

題興雲律院

白雲路斷欲何之纔見綠苔封古碑松逕斜通石門
曲巖泉巧繞竹籬移戒光殿靜修僧夏攝衆鐘鳴報
午時自是摩尼清淨境勝因能得幾人窺

登外山絕頂

衆山俯伏獨超群咫尺霄間路自分出没下窺三野
月蜿蜒坐摘八州雲長留太乙祠壇跡近指紫微星
宿文應是諸僊朝帝座步虛時有佩聲聞

登中禪寺

青嵐裊裊擁層巒徒倚中禪古梵壇孤塔高臨斜照
動雙標竝立落霞殘峰頭雪壓芙蓉色湖上雲收鬢
髮寒縹緲總非人世觀更疑攀第幾天看

送來子伯歸薩摩

幾載都門負笈遊千秋業就奈難留島雲半合疏黃

氣海日全銜，筑紫流貢納。中山新卉服，封加西鎮古。
通侯盛名兼，與開疆大誰及。人文擅九州。

遙題下毛州太平山舍虛樓

雙峯風色望何如，聞說樓臺舍太虛。危勢看從十地湧，梵音高入諸天踈。赤城朝旭霞浮動，鬢髮陰晴雲卷舒。自笑遙題徒想像，唯應妙偈屬禪餘。

余自日光山而歸錄所歷諸勝詩畫為帖

請諸君題其卷後為賦

歸來談笑興何孤，先問囊中篇有無。丘壑多年酬志操，風烟幾處屬江湖。勝遊聊試許詢具，高臥兼供宋

炳圖不是諸家頻，藻飾筆頭爭得彩花殊。

寄題關子卿清嘯亭

十畝閑閑一草軒，心遐村落近無喧。連峰雨色雲埋徑，夾岸桃花水失源。不比行吟遊楚澤，擬將清嘯學蘇門。何當移却登山屐，聽汝鸞音日涉園。

淨光寺亭子秋望寺在飛鳥山鳴蜩里

石磴躋攀路自分，香臺風物倚氤氳。山閑飛鳥亭頭盡，里遠鳴蜩樹杪聞。搖落秋寒綾瀨水，卷舒時變筑波雲。猶餘百尺晴霞色，不辨下方斜日曛。

題恭叔聽雨亭

卜築新成事事宜，閑情有趣好題詩。
松低露砌苔還古，竹密林間鳥不知。
市井唯應耽犬隱，琴書聊欲問幽期。
西牕剪燭寧無意，聽雨亭頭聽雨時。

矢口懷古

建武妖氛黯，不漢朝廷南北割。
鴻溝未終擊楫誓，江志遂陷揚灰奪國謀。
哭鬼雨深迷古渡，鳴雷雲暗激中流。
猶餘膠解當年恨，水上鳧鷖沈又浮。

經湊河楠公墓

風雲千載奈孤忠，一向南朝領五戎。
幕府遺經留孺子，軍門授命決雌雄。
艱危非失勤王策，生死寧忘復

祚功恨殺湊河碑畔，菊漂流隨水自西東。

踰函關

玉函襟帶擁東京，攀上關門幾里程。
雪滿遙峯分信越，雲奔空谷辨崢嶸。
名山何處藏書去，險路誰人叱馭行。
羞殺年年來往客，已非前日棄繻生。

至後集幽蘭公子

園樹蕭疎至後天，軒舍晴日足風煙。
城居容跡猶甘隱，朝退論文獨避賢。
綠酒迎人時下榻，瑤琴向客爲彈絃。
君家一曲幽蘭操，非是尋常調裡傳。

春日同安文仲源公顯滕子虎集冷上人

天華樓

蓮社尋盟對遠公禪餘清興醉相同上方列院滄溟
曲百尺飛樓色界中幾處梵鐘催晚景誰家瑤笛散
春風請看江上梅千樹總作天華落碧空

聞冷上人西上源公顯送至玉函山為贈

都門遙指玉函天支許風流跡杳然白馬今看載經
日青牛猶未度關羊行携幽興同春醉坐伴清機對
夜禪彼此東西為別去江花山月各風煙

四月盡同習之集葉氏招僊樓主人父子

善書

何用披裘倚午晴新林四月已螭鳴市樓高俯紅塵
陌宮闕近浮丹鳳城醫國元傳三世術臨池兼歷二
王名招邀疑是陪僊侶却對壺公旨酒清

送長崎子木還薩藩

青衿業就一書生萬里鄉關問去程唯道行人報安
穩定知同社喜逢迎駿賢不假燕臺賜禮節曾推齊
國名自古封疆稱海表雄藩七十有餘城

至後同諸君遊西氏東郊別墅得微韻二

首

相携幽興此依依至後風煙擁翠微野水隔堤帆影

動村園通徑，市塵稀。松窗日暖，人高卧。竹塢雲來，鳥倦飛。倘得巖阿，遂初志。隨君為結薜蘿衣。

負郭田園隱不違。東郊深占白雲扉。霜埋幽草，迷樵路。風掃垂蘿，坐釣磯。山送西來，餘爽氣。亭隨南至，引斜暉。縱然興盡，休催去。夜醉猶將，蹈月歸。

梅文英携具邀諸子於東山禪院避暑

石磴松門路不迷。清涼如灑滿禪棲。上方雨向諸天合。重嶺雲從四壁低。飲任廬山對客許。饌同早鮑隨人携。斯盟聚散多難定。何歲登臨問舊題。

秋日病懷簡子行

逢迎謝客偃荆扉。風露梧桐一葉飛。病向九秋人易老。悔教百歲計空非。賦名誰薦雄文似。心跡寧辭郢宦微。五夜鐘鳴漏將盡。夫妻相對泣牛衣。

秋雨新晴遊二川君別莊

蠟屐衝泥路幾迴。田間新翦一蒿萊。晴銜小閣風將度。雲散重簷山欲來。孤渚遠迎秋水濶。片帆斜挂夕陽開。怪看浮芥為舟去。滄海如傾落把盃。

養鶴

丹洞研朱露未晞。階庭馴養自依依。揚州十萬無今古。華表人民有是非。立傍春風花點頂。舞當夜月雪

成衣悲鳴空顧凌霄翼欲向藥珠宮裡飛

守歲

孤燈短髮影蕭疎况復風霜對歲除暮景千秋百感外窮陰一夜三冬餘時名久愧羊公鶴生計猶空范子魚柴火擁爐偏待旦江湖何處不樵漁

遊巖島舟發港口五更值雨

岸頭楊柳木蘭撓解纜城西第二橋帆幅無風知穩浪棹歌伴月辨歸潮十年湖海心難逐一夜家鄉夢未遙覺後忽聞篷露滴滿天江雨已瀟瀟

秋晚郊居

竹戶槿籬傍野溪屏居遮莫使人迷行車臨道三公鹿棲桀馴庭二母雞病夫負暄朝摘菊老妻炊餉晝蒸藜郊墟村落秋將盡社鼓喧喧勉日西

賦春酒介眉壽賀小川翁六十

春風無日不鶯啼行樂青樽到處携綽約駐顏清似雪傀俄落眼醉如泥寧將舉白論賢聖非有鍊丹期犬雞歲月優游壽何限酒仙應與羽仙齊

題畫龜為某壽

緇車大夫繡衣裳玄服何論五色章襟上持竿稱曳尾泉陽避網免剗腸懶逢聖主期書背擬向老人支

踞牀能學養生行氣術，回旋野水自洋洋。

林亭春雨

一路林亭無客通，春陰釀雨織遙空。斜經柳際風猶綠，纔傍花邊露亦紅。狂蝶怯寒護香粉，嬌鶯避濕近簾櫳。誰知獨酌忘憂物，鎮日幽吟對此中。

題松孝甫二三廬

有井清淨甘冽宜煎茶云

心跡猶同陸羽情，石爐烹茗散生平。常容一仲開三徑，何假萬機居百城。白屋朝過竹雨響，青燈夜和松風聲。井泉况有堪甘冽，不問中冷第一名。

古城春望

淒涼荒壘俯殘溝，故事蒼茫何處求。四塞有人期險隘，三軍無主備貔貅。餘基麥秀歸樵斲，廢苑花深啼鳥愁。野水滔滔嗚咽去，空教歲月託東流。

雨中春望

蕭條不用對芳樽，衝雨吟行獨出門。蠟屐唯從野草濕，酒旗斜帶溪風繁。晚烟鴉暗松間寺，春霧鶯深竹裡村。借問桃花半篙水，漁郎何處棹仙源。

節後歸來園看菊

容跡柴門倚舊廬，悠悠甲子幾居諸。引風嘯傲時高枕，帶月歸來暮荷鋤。扶疾應同伴籃輦，忘憂共喜樂。

琴書黃花節後猶難老
離畔對看盈把餘

追哭信海上人

雙林凋落幾寒溫
舊院攀來霜露繁
已為法盟稱上選
方知淨業是真源
爾時曾謂心交在
斯道何妨日擊存
欲問尊師後身地
儼然妙相現東門

仙人騎白鹿

轉憐皓潔雪毛鮮
縹緲遙從碧洞邊
仙餌長餐紫芝髓
神漿常飲白雲泉
駕攀月宇宵欺兔
步度天衢朝拂煙
馴養同修真性術
幾年四海共周旋

松花亭集

探勝尋芳何處新
林間一路到嶙峋
幽棲有主松為屋
醉石無塵花是裊
南海雲含山市日
西郊雨占野亭春
鳴鳩好報晚晴色
猶自烟霞不負人

經美人舊居

洞房棲宿幾居諸
遺跡蕭條春欲踈
羅幌月殘行雨後
瑤階風靜落花餘
松間認響琴如訴
竹裡留歌鶯似舒
十二峰峰空薄暮
楚天望斷獨躊躇

暮春同諸子過敬叔舊居芍藥園訪遺兒

有感賦示隣人子華

芍藥閑園城一隅
經過訪古共踟蹰
殘春有待花將

發舊徑如求鶯自呼寂寞多時泣玄草淒涼落日滿
黃壚買隣深感當年事却為遺兒託不孤

雪堂集寄長孺遊玉浦

社盟無奈動難尋客跡猶遙玉浦尋應踐黍雞前日
約為論竹馬往年心地通商旅帆檣集境鬻魚鹽海
嶠深居貨從來多富庶幾家勸醉對披襟

同諸子遊福王寺

危松夾路到何遲已聽山鐘報午時詩社同攜蓮社
客法門來謁鳳門師身遊佛界忘炎熱心隔人間感
厭離若許石龕蘿洞宿勝因長與白雲期

雲間蚤鳥

木落風高接武行羽儀肅肅暗高城飛投雲際看無
影鳴向月邊聽有聲瀚海始傳千里信湘江重寄幾
年情冥冥何處來為主多在莓苔秋水清

秋夜聽雨亭集

高陽飲博本吾徒永夜相逢興不孤玩世寧辭偏得
隱逃名且厭或稱儒亭頭聽雨秋多少籬畔傲霜花
有無狂態休論身後計何如一醉對江湖

九日登吉祥閣

峻嶒寶塔出塵寰佳節登高試一攀偶為勝因遊佛

不妨詩酒逐龍山路，踏亂雲層磴峻閣。舍虛籟萬
松閑，秋陰疑見曼陀雨，散在諸天色界間。

寄子穆恭卿

客夢天涯何處尋，關山別後滯鴻音。高歌無恙雙彈
缺，流水依然一鼓琴。上國風烟秋瑟瑟，故園雨雪歲
陰陰。相思時向江東望，滿目浮雲落日深。

人日新晴翠竹園集

人日題詩此盍簪，城頭佳色散輕陰。纔經春雨垂楊
綠，尚帶寒煙修竹深。共許百年杯酒約，還論四海弟
兄心。寄言雜沓都門客，車馬風塵休謾侵。

丙午春余四十初度觴諸子於三宜亭

虛名謾唱舊風流，四十光陰何所求。謝爾交情推一
日，慚吾事業廢千秋。誰知壽席鶯花宴，多屬盟壇翰
墨遊。請見仙山違咫尺，盈觴為勸紫霞浮。

寄題玉浦大山寺

眼界風光玉浦濱，傍曾聞勝槩甲山陽。祠壇高倚煙霞
境，香火長供清淨鄉。海面如盤連島嶼，波心似鏡簇
帆檣。怪來幽討空塵想，身在西湖古道場。

秋日憶山中舊廬

孤宦十年感慨中，桂花猶憶舊時叢。青雲長斷風塵

客白首重回湖海東竹裡鳴泉秋屋靜松間落月夜
窓空生涯一自謝後宦羞殺北山文已工

秋夜聽雨有感

瀟瀟疎雨短燈青夢斷牀頭酒始醒多病老來名落
落壯心折盡髮星星百年風色摧顏早一夜秋聲側
耳聽四顧無人唯寂寞閉關仍守太玄經

麥浪園懷舊追悼伯雍

野徑斜通古草亭逢迎無主啓幽扃田園曝背憐殘
老湖海論心笑獨醒虛室猶生霜後白攢峰却落眼
中青東南麥畝空樵採不啻雍門琴裡聽

新居客至

誰道善隣上地難新棲却異舊棲者園中草木迴幽
徑屋後風煙對遠巒為是論心交自切還能容膝意
偏寬何妨千里相思駕來往時時引呂安

酬義質

青雲一路不辭難寄跡風塵強素餐丘壑未酬鹿褐
隱夫妻纔免牛衣寒高歌幾載疲彈鋏薄宦何時問
挂冠若道玄經玄尚白解嘲祇合附君看

西川氏大孺人八十初度其孫子玉製王

母圖以奉其壽余亦題之兼代稱觴之詞

云

碧桃黃竹伴遊踪，縹緲人間不可從。夕下瑤池輦朱鳳，朝登華嶽駕蒼龍。天環弱水三千里，雲駐闔風十
二重。非是擅藥陪阿母，丹青誰復認僊容。

賦春多僊興，遙寄壽土藩。千儀卿太翁。

城上紅霞百尺標，朝陽吹徹鳳凰簫。海開宿霧三山出，天遏春雲五色遙。幾處樓臺多氣象，何邊花草不
瓊瑤。此中僊興着相得，未必飄飄凌紫霄。

詠白鹿

瑞鹿皎毛霜雪鮮，何唯縹緲駕神仙。曾聞鄭子巡行

日還記周王出伐年，顧影空鳴清夜月。養生常飲白
雲泉，若非漢苑宜春物。會到條峰碧洞邊。

送恭卿

搖落蕭蕭秋欲闌，離筵把袂暫留歡。不堪楊柳愁中
折，况復琴樽別後難。鴻度歸心歌客枕，雞鳴殘夢送
征鞍。相思懸在關山月，夜夜天涯倚劍看。

暮秋蕉齋集餞賀公臺再之東都

出處人間未可論，祖筵兼喜社盟存。蕉陰通徑留車
跡，霜後題詩冷墨痕。春雨佗時消憶夢，秋風一夜又
離魂。蕭疎報爾同遊道，無力依稀守舊園。

寄題三原妙正寺二首

磴迴上界出塵氛，松檜含風左右聞。
樓閣鶻迷雙頂雨，攀堂僧亂一層雲。
早潮欲動城樓秀，殘霧初晴海市分。
剩有三乘談妙理，法花香散日繽紛。
寶輪金地古，秣林巖徑石門蘿。
洞深窓角容天斜，漢近塔光臨海倒。
標沈山鐘夜度孤篷夢，澗月秋高半偈心。
雲卧吾將來此宿，苦思風露滿幽襟。

十六夜曲江樓集餞子恪赴玉浦恭卿之

東都

登臨香動桂花杯，祖席魚追良夜開。
斜漢倒當層閣

落驕潮高擁曲江，來忽懸合浦還珠色。
且屬梁園賦月才，兄弟相着各離恨。
不唯秋思坐難裁。

題画梅為滕萬里

疎影橫枝半樹斜，氤氳坐訝暗香加。
壽陽紅額何妨點，姑射冰肌休謾誇。
寒渚飄風飛入笛，煙村帶月淡如紗。
佳人別有幽姿似，併見神僊萼綠華。

登彌山

須彌上界古禪場，鐘響寥寥半彼蒼。
峭壁懸巖山鳳背，重巒層磴路羊腸。
行雲忽過日沈閣，片雨初晴風滿堂。
十二峰峰朝暮色，神遊無夢到高唐。

千疊閣

海門秋盡白雲收，一道風煙好放眸。重嶺低臨千疊閣，澄潭倒落五層樓。蘆汀釣罷曉吹笛，楓浦鐘鳴夜泊舟。借問年年登眺客，舊題誰不記曾遊。

賀吉田翁七十翁嗜茶事

十笏疎籬一畝宮，容蹤市井隱淪同。茶煙堪給餐霞客，龍焙何難採藥翁。夜徑挹泉來竹雨，朝窗烹雪引松風。豈唯換骨修真去，幾歲僊靈好此通。

和君秀見寄

底事玄亭載酒遲，屏居寂寞子雲奇。窗前疎雨燈明

夜園後，鳴禽花落時。為是夙心違，白首但能生計付。金卮夢邊昨日池塘，草寄贈西堂憶我詩。

得浪華宮視遠書及七首為酬

當時慷慨各平安，老矣天涯一晤難。白石歌因皮相失，朱絃調對面交彈。江湖寧負狐疑意，踪跡猶為小草看。還怪贈吾燕七首，不知肝膽向誰寒。

秋懷

天轉銀河大火流，一時感慨楚臣愁。歌成夜雨頻彈缺，老去秋風尚佩鉤。飛詔寧教丹鳳至，野心久被白雲留。行藏倘問衰年計，為道垂綸三石頭。

十三夜曲江樓集送子恪

木落長江白露橫，桂尊先發月華明。
潮頭夜暗孤帆影，風外秋高漁笛聲。
無那人間自離別，難期天上亦陰晴。
豈唯送興論深淺，不負南樓庾亮情。

舟泊繪島

淡靄輕煙路渺漫，海風不便上潮難。
平沙維艇收漁網，斷岸燃燈下釣竿。
虛郭三聲暮笛響，孤篷一夜踈鐘寒。
榜人鳴櫂天將曙，唯有還家片夢殘。

再泊繪島

島樹陰陰津口樓，孤帆落處重夷猶。
烟消殘月朝吹

角風斷歸潮，晚駐舟。蜀魄空餘，遷客泣楚魂。
安在逐臣愁。江南自古多離恨，不怪再教鄉思酬。

為寄
余客浪華時久留，島戾歸藩有憶晁大夫。

樓船朝發錦帆孤，悵指西溟天一隅。
雄劍何年躍風雨，客星今夜向江湖。
高歌欲逐滄浪曲，千仞難探赤水珠。
報道山河猶未邈，寧無酣飲憶吾徒。

浪華客中訪宮隱士于吹田村話及往事
高臥容蹤隱更深，荒村一路遠來尋。
四方同棄桑弧志，百歲寧忘竹馬心。
白首相逢憐短髮，朱絃無恙對

知音流離萍合渾疑夢藉爾行藏感古今

戲詠葛水

笑言涇渭水空傳敵手何輸羊酪前未賜君王金掌
露先疑僊鹿白雲泉凌陰謾說獻冰日飢渴寧知嚙
雪年莫是葛洪丹井出不論一飲首陽賢

戲詠竹夫人

冰肌雪膚亦何傷休道溫柔別有鄉名似夫人尚拳
手身如公子自無腸淇園夏冷風蕭瑟湘水秋寒雨
渺茫十二峯頭天欲曙分明一夜夢高唐

送田梧亭歸國二首

都門把袂惜離筵非是尋常別酒傳寄跡江湖纔四
月托身書劍已三年蕉陰夜雨孤燈外梧下秋風一
葉前無奈同鄉去留客還家獨有夢魂懸
萬里飛鴻欲度天歸舟西指暮雲邊竹筒曾寄盛魚
日萱舍今開懷橘年湖海相逢共萍梗關河一別各
風煙知音縱有廣陵曲待我清秋為拂絃

秋夜

新秋客夜坐茅檐挑盡短燈斜捲簾苔砌露濃蟲唧
唧松窓雨過月纖纖風塵寧與青山負搖落頻驚白
髮添欲向田園問歸計柴桑處士一陶潛

高津秋望

高臺層閣白雲秋風物依然舊帝州萬井連甍當檻
盡百川朝海抱城流霸圖二世空陳跡王氣千年自
古丘欲問宸遊聖明日人煙靄靄到今愁

客浪華五閱月矣月居士從而遊秋將西
歸居士亦將歸京臨別見示和其韻以酬

居士嘗為二條公門客

舸在江潭駒在門東西堪惜別離樽燕金久引諸賢
價吳膾頻驚孤客魂梅信寧無勞驛使草萋何必負
王孫老來將訂滄洲約心跡悠悠向爾論

題壁

揭來東海一波臣升斗洋洋避釣綸欲向江湖聊遠
跡情知寵辱易驚入久慚家事生如死未辨時名病
似貧不怪妻兒輕視我暫將欺魄托斯身

冬夜懷舊追悼村子綱

幾載絃歌感徃時寥寥何處問相知餘生不負蜘蛛
隱殘老唯應犬馬期月冷屋梁空有影霜深百尺已
無枝寒冰一夜凄然甚隨意莫教隣笛吹

山中禪師

巖居無路有誰通圓頂龐眉一老翁宗印寧知問南

北雲心何必限西東，燈明禪石蘿邊月坐穩。鳥窠松上風樵父相逢，唯識面言師深住亂山中。

歲勉送山新甫還豫州

岸柳蕭疎難可留，荊河維豫一孤舟。有當歲勉酬歸思，無復春風解別愁。裁賦蹉跎常病肺，論心湖海重回頭。廣陵為鼓鳴琴曲，非爾知音何處求。

歲抄雪堂集時已立春

簷梅香動竹煙消，踪跡寧知在市朝。欲對冰壺酬歲晚，纔開臘酒已春宵。飯牛歌為明時廢，衰鳳狂因避世驕。但道優游携手好，江湖未必問漁樵。

嚴姪廟守歲

內殿祠官肅，寂寥風迴梵。貝徹寒霄，神遊髻鬢升降。曲靈駕來旋，迎送謠拜賜。爭漿趨御陛，喧呼點火浴。新潮鐘鳴五夜天，將曉試上星壇望斗杓。

湖樓春望

層樓百尺壘春濤，八詠風煙望自勞。雲散飛來駐靈鷲，霞晴麗譙駕金鼈。日邊帆傍琵琶形，動湖上山懸鏡影。高湘瑟神遊花月夜，妙音何處不堪操。

登清水大悲閣

高倚圓通閣，上山曲欄迴。磴出塵寰，彌天雲盡金銀。

界初地春連，百二關三國青蓮。諸法盛千秋，白日萬機閒。請看象外煙霞色，散在鳳凰雙闕間。

春晴獨坐

百轉流鶯未友時，杯尊行樂誤佳期。雨餘潛長蓬三徑，晴後纔殘花半籬。舊草拋來詩首首，新愁添得鬢絲絲。玄亭寂寞春將晚，無復幽人問一奇。

浪華客中和故園諸子四首

旅亭相值暫留歡，長缺無魚隨意彈。世上蓬飄跡何定，人間萍合事非難。樓雲吹笛梅花落，江雨着蓑蘆荻寒。別後風煙游未倦，春深二十四橋攔。

右義秀

百年駒隙送光陰，憶昨高臺為一臨。片枕魂迷雲渺渺，殘燈夢斷雨沈沈。落花堪濺侬鄉淚，啼鳥頻驚孤客心。我欲寄君雙鯉贈，春流夜夜漢江深。

右君秀

啼鶻欲度暮雲低，已見草頭春色齊。托跡江湖甘市隱，遠身妻肉擬禪棲。家家詩榻趨新宴，處處吟筇尋舊題。我有廣陵琴曲在，未曾容易向人攜。

右子德

東西一別老都門，無奈故人非。故園客裏逢迎從下

榻生涯花鳥付傾樽春風揮筆疲詩思朝雨濕衣留
酒痕行樂優游君莫問恐驚憔悴鬢絲繁

右察卿

同前得豫章山新甫書及詩附以池塘生

春草作和其韻酬之

人間世事已多岐去住關心不誤期寒雨驪歌破蕉
夜春風客跡落梅時縱令到處同顏巷無復營生擬
董惟獨許謝家兄弟誼西堂為贈夢中詩

初夏林亭

初夏閑園晝掩荆青松白屋兩三楹踈籬花盡迷狂

蝶深樹春殘籠懶鶯玄草讀來窓下臥素琴彈罷壁
間橫但能小隱堪容膝不問悠悠世上名

登浮瀨酒樓

飛樓捲幔晚晴開騷客前題感慨催麥浪迎秋當檻
曼松風入夏遠檐來五層背指天王寺萬井平臨歌
吹臺別有高陽豪具在為浮滿引紫螺盃

夏日閒居

新買小園餘尺畝纔容一榻構三楹池頭呼雨鳴蛙
開簷角翻風乳燕輕誰為天際真人想擬作陸沈公
子名懶臥枕書眠未熟半聞林底落梅聲

夜與荒木田子直話

東道西都主，與賓窓前翦燭。暫相親濯纓，祇合同清濁。傾蓋何須論，舊新座久斜。懸蘿洞月，杯香常貯玉。壺春從來名，下無虛士君。自風流第一人。

馬山雜咏十首和百拙師韻戲倣其體

頽岸崩沙路，兩三前溪掬水嗽。餘酣雲光忽斷崖頭，兩日氣頻蒸嶺外嵐。療喝冷漿猶苦熱，解醒殘食尚貪甘。涼颼應向晴軒落，危坐一層樓正南。

不逐都門車馬塵，荷鏡採藥笑羸秦。幽村煙火朝通暮，深谷林花夏雜春。產給中山毛氏族，富封千戶渭。

川人寧無靈飯胡麻熟，試問僊源窮水濱。

舊臆詩聯鬪奇絕，新圖方幅對岵嶢。朝移登屐雲埋

逕，夕植歸筇月照橋。鼓瀑奔流常坎坎，葉山搖落未

蕭蕭。丹砂白石今何在，唯有炭薪澗底燒。

比屋連街高下，扉黃簾翠幙。避炎暉，鄉人問姓說風

去。隣客通名話，俗歸短髮梳來。拋舊幘，羸身浴罷着

新衣。悠然取冷時，閑立乳燕呢喃掠檻飛。

泉石煙霞何可醫，盤桓時撫古松枝。端居爭道對碁

局，微醉消閑鑷髮絲。雨徑短筇移步緩，月軒虛枕欲

眠。遲恍看輕靄圍成海，山籟如濤日夜吹。

靈泉架屋一泓流沃洗消除病客愁非復夷齊心豈
變兼追禽尚樂何休看雲嘯月時時榻帶水臨山面
面樓此地修真逢道士養生經訣記來不
斜臨四五尺流水高架二三層累臺半斷殘虹降澗
飲中天餘雨劃峰來松蹊竹路行多露淺綠深黃標
有梅脫却青簑牛背上誰家老叟荷鋤回
不問秋風鳩化鷹前巒落葉下峻嶒浴湯寧驗三年
艾烹茗時敲六月冰革履蹈雲尋羽客板橋度水謁
神僧文園病肺儻能識未必相如臥茂陵
遙看木末捧芙蓉田野朝朝薄霧封廢井斂翎宿鳥

避回溪激水翻車春荒基苔爛盤穿石顏壁煙浮鼎
峙峰燒却淒涼求不得壘青凝碧到今濃
沸竇分湯池似航驪山靈液馬山鄉涉旬來往人多
熟作客田園徑欲荒殘夢記詩燈失焰吟魂刻韻篆
生香再遊如得酬巖性讀破爲消春晝長

中秋值新晴

桂樹花低月色清良宵况復對新晴梧風欲動吹無
跡竹露難圓撲有聲雲雨楚臺何處夢關山羌笛幾
年情人間明日秋將老休使曉鳥城上鳴

秋晝夜萃陽館集

壯心湖海久零丁，舊社盟存岸憤迎。
多歲空傳孔壁業，異時幸免秦坑名。
驅馳欲盡秋三月，搖落頻催夜五更。
休使曉霜照衰鬢，蹉跎老矣一偷生。

秋後訪耕雲上人山房

層層近認午鐘傳，行愛殘秋問定禪。
投竈松和楓葉燒，貯壺茶擁竹爐煎。
窓觀竒絕高低嶺，地附膏腴上下田。
師道深耕白雲裏，已無麻麥出山年。

秋後遊瑞川寺

藤筇紗帽一詩囊，進步禪關到上方。
葛屨深開履霜徑，蘿窓斜置對雲牀。
石龕年古鳩巢院，苔砌晝閑犬

睡廊雙樹長留常住色，深為天錦曝秋陽。
一片閑雲度嶺長，登臨偶倚古禪場。
攢峰煙散江無雨，遠海風驕天有霜。
近郭千甍連竹塢，層城百雉掛松塘。
徘徊欲問前題去，嘍嘍亂鴉噪下堂。

守歲

歲晏從佗人事忙，清樽一醉不妨狂。
生涯半百何顏色，莖丈三千但鬢霜。
雪徑臘殘寒竹響，夜窓春綻暗梅香。
雞聲唧唧天將曙，無恙煙霞卧草堂。

春寒

寒村日日鎖幽扃，何處行吟筇可停。
長護遷鶯梅巷

白難舒繫馬柳堤青臥聽夜雨衾猶冷醉倚春風酒
旋醒寂寞書窓却無事研朱時點太玄經

雨中花

春雨瀟瀟花滿園花時多雨失朝昏花迎輕暖雨無
意雨釀幽香花有魂細雨斜侵花底榻閑花頓撲雨
中樽坐花酌雨休辭醉只恐落花經雨繁

幽居有餘樂

容跡田園樂事幽細泉斜抱竹扉流露侵苔局收棋
子月照石磯提釣鈎移棹雲間放白雀翻書路上乘
黃牛隣翁醞酒迎相勸為說稻粱已有秋

憶江中故居

青山家在倚江鄉久別悠悠客夢狂漁笛殘聲燃遠
火陂橋倒影度斜陽蘿窓松古翻書靜竹檻荷香歌
枕涼一夜長安滿城月歸心相看淚成行

六月晦聖光寺集

指頭禪跡謁天龍不問高僧南北宗性佛修來三夏
膺心猿驚破六時鐘始知瓶鉢生涯是且覺人天眼
界從特地清涼秋欲至雙峰風雨石門松

壽香川春常六十

庭園杏樹靄春暉風送花香入壽幃導氣煉丹應虎

伏修真吐飯盡蜂飛高情閱世名堪避遠操容蹤隱
不違豈使人間知姓字時時賣藥故山歸

題街君文江堂

池檻風煙控野流經營為築一菟裘曲圯穿樹開斜
徑回磴隔花通小樓高臥豈期遊画壁乞歸何擬老
糟丘江山總作園中物木末芙蓉指掌浮

村居秋日

預喜田間有歲功幽居村聚小廬中青黃早晚畦分
稻紫白東南畝雜種獨自挑燈聽夜雨不將垂釣向
秋風生涯已矣無機事人道漢陰抱甕翁

將赴浪華留別諸子

還家去國歲西東彼此悠悠感轉蓬不道登樓王祭
似多疑踏海魯連同黃牛雨色隨烟棹赤石寒光落
月篷兩地蓴鱸何處美肯將踪跡問秋風

舟泊通潮浦遇雨

島門帆落雨紛紛海岸風濤不可聞烟霧暗迷千里
棹山川難記四州雲一朝為客蹤逾迥旬日離家夢
未羣暮角嗚嗚欲吹斷殘潮何處辨斜曛

九日同諸子集伯修

昨夜滿城風雨多新晴飛閣倚仙坡集賢飲逐龍山

宴結客情成燕市歌籬畔花開憐去住江邊木落渺
煙波寧言彭澤興猶淺萬里歸心如我何

天王寺

四天王刹接天居護法千年東漸初雲水雕鏤層塔
古門闌斷補兩楹餘黃鐘無盡傳追蠡玄纈將來食
巨魚齊拜西方金界現雨花飄處夕陽虛

題清音亭

杖藜行記暮山霞竹裡短牆通徑斜深樹雲低猿拾
實幽叢露老蝶粘花盤蒸前澗胡麻飯爐煮中峰碧
玉茶一女相邀如有舊天台何路向僊家

重遊馬山十首用前韻併效其體

養痾醒日豈論三一盞消愁貧半酣殘影猿啼松峽
月寒聲鴉定竹溪嵐隣翁榻坐桑麻話館主籠來柳
栗甘家信不知何處達人傳客跡在江南
病懶敝裘未掃塵從佗浪跡似蘇秦浴分朝晚猶期
夜遊涉秋冬更約春肝膽難追胡越客濁清何辨醉
醒人淹留各各問居食多住斜溪回岬濱
四面何山非咫尺千層無處不崑嶠磬鳴開士依雲
壁錫響歸僧度月橋齊語慣來談吃吃胡頭沐罷髮
蕭蕭暗聞村犬迎人吠溪畔幾家松火燒

重遊容跡舊柴扉萬樹霜紅曝晚暉摘句閒筇思逾
躡拋書倦枕夢空歸晝行有首加烏帽夜臥無肌授
客衣一片秋雲晴亦雨前溪俄頃百泉飛
試湯寧可問良醫甘谷流津叢菊枝愁見雲邊書鴈
字閑看檐角織蛛絲留身江北迎寒早曝背軒南偷
暖遲苦欲旗亭招我醉半竿頻舞晚風吹
紅謝黃衰歲月流蕭蕭楓菊入鄉愁擬將鹿褐追文
舉恐使女兒識伯休浴裡摩肩分幔幕起來熟面揖
隣樓物情多與閒情稱生計已求安計不
高低山陔街通巷深淺軒窓屋架臺圯上受書人已

去門前修刺客新來盤供薄德留錢飯壺貯行軍出
水梅爲告隣家桑落熟鑪頭買醉幾遲回
肅殺風生逸翮鷹層霄一擊落峻嶒鳴湍嗽石清於
水空翠撲衣寒似冰鳳輦曾過兩朝主鯨鐘猶守六
時僧荒涼縱有遺蹤在古往今來變谷陵
擬將初服製芙蓉琴劍等閒塵自封時忒時來終夕
杵且歌且笑有年春三竿朝日銜高岫一抹宿雲襯
半峰裊裊引泉宜煮茗竹爐湯沸縷烟濃
緣溪何路放漁航先世避秦彼一鄉衣帶身腰隨日
緩風霜草樹盡秋荒昏昏引睡戒歌枕句句驗工燒

細香果爾留題再披讀三旬聊解客愁長

夜雨話舊

屈指交遊談更深幾年湖海隔商參歸期莫問三秋
雨高調先操十日霖祇合青牛傳道德豈知金馬任
浮沈相逢誰刮當時目已矣人間一古今

馬山南溪即事

草莽閒屋兩三楹石鼎茶烟留客烹但任閭兒來覓
菓不妨隣婦去調羹殘秋送雨孤猿嘯薄暮爭泉群
鹿鳴老叟相迎懇指點滿溪紅樹半山櫻

秋後龍泉寺晚眺

極目殘秋遍大千香臺觀相足風烟松高棲鳥窠邊
樹波穩制龍潭底泉鳴野暗迷行雨後駒峰晴送斷
雲前晚來直指初弦影不道常明月未圓

山虛仲介松子猷見寄詩和谷

欲將聞達結交情浪跡誰傳隱市城深想三冬令眼
染寧知一日使心傾非干詞賦凌雲氣可中宮商擲
地聲為是玄經玄尚白解嘲難就避人行

同諸子集梅花屋時主人跋拙集故及之

新晴朝雨尚寒雲坐客相看各出群燕市悲歌寧許
我龍門延接有如君從來蘭室香將點遮莫梅窓花

未薰非假名高一時士世間誰讚太冲文

客居冬夜留伯修道哉二子宿得冬字

四壁風霜傍客蹤一爐柴火日從容薄衣寧道無終

歲昔畜未勞偏禦冬各夢牀頭憐共被同盟社裡駐

雙筇縱非投宿楓橋去試聽寒山夜半鐘寒山寺在北野

伯修應聖子貴學丹居士實相師見過

泥途隘巷欲行遲寒雨初晴不誤期命駕頻留長者

輒授經未下先生惟東關老子牛度日西竺高僧鷗

狎時為向都門暫容隱莫教薰灼受人疑

白山集初編卷之四終

